

'vel ma pardonomp d'ar re o deus pec'hed doc'homp,  
Ha n'hon laosket ket da gouezh en tantasion  
Met hon diwallit doc'h an droug.

Ar beleg : Plijet genoc'h, Aotrou Doue,... ha distro hor Salver Jezuz-Krist :

**R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.**

### Lid ar peoc'h :

*Ar beleg : Salver Jezuz-Krist... a-holl-viskoazh da virviken.*

*Peoc'h hor Salver a vo bepred genoc'h.*

**R/ : Ha get ho spered !**

### Oan Doue :

Oan Doue a lamm pec'hedoù ar bed : ho peet truez doc'homp ! (bis)  
Roit deomp ar peoc'h !

### Kent ar gomunion :

*Ar beleg : Eürus ar re a zo galvet da bred santel an Oan.*

*Setu Oan Doue, an hini a lamm pec'hed ar bed :*

**R/ : Man Doue, ned on ket dign ma teet davedon,  
met lârit ur ger hepken hag e vo aesaet din.**

### Komunion : Gloar, ô man Doue, d'ho karantez tener !

A lein an neañv, C'hwi a zo diskennet.

E gwirionez, amañ, àr an aoter,

Emañ geneomp Jezuz, Salver ar bed.

'Eit hor sekour, ha bout hor c'hoñfortañs,

En tabernakl e venn chom noz ha deiz,

Diskouezomp dezhañ hor resped, hon doujañs,

Diskouezomp dezhañ dreist-holl hor c'harantez.

Eñ a ro deomp, 'eit magiñ hon eneañv,

E gorf sakret hag e wad priziuz :

'Eit e resev, bevomp santel ha glan ;

En neañv, getañ, un deiz, ni vo eürus.

### 'Cit kloziñ an oferenn :

*Ar beleg : An Aotrou Doue genoc'h :*

**R/ : Ha get ho spered !**

*Ar beleg : Doue hollgelloudek d'ho pennigiñ :*

*An Tad, ar Mab hag ar Spered Santel.*

**R/ : Amen !**

*Ar beleg : Kerzhit e peoc'h hor Salver :*

**R/ : Bennozh da Zoue !**

### Kan-dibenn :

Un Ael a-berzh an Aotrou Doue,

Da Vari a lâras un deiz :

Mari, Doue en deus ho choazet

'Eit bout Mamm da Salver ar bed.

Ar Werc'hez a respont neuze :

Setu matezh an Aotrou Doue !

Ra vo graet din, Ael benniget,

Hervez ar pezh hoc'h eus lâret.

Kentezh, hervez komzoù an Ael,

Dre galloud ar Spered Santel,

Mab-Doue a zo bet koñsevet,

E-mesk an dud en deus bevet.

Santez Mari, gwir Vamm da Zoue

Goulennit 'eit ho pugale

Meritiñ bout genoc'h eürus,

E baradoz ho Mab Jezuz !

# Parrez KerAnna

2<sup>e</sup> Sul an Azevent / 6<sup>a</sup> viz Kerzu 2020

1<sup>h</sup> lenn. : Iz 40,1..11

2<sup>e</sup> lenn. : 2 Pier 3,8-14

Aviel : Mk 1,1-8

### Kan digor : Mesi, dait hep dale 'eit salviñ tud kablus,

**Diskennit ag an neañv, Salver karantezus !**

1 Sellit a lein an neañv hon anken ha glac'har,

Klevit a lein an neañv hirvoudoù holl an douar !

2 'Èl deñved fariet, ne ouiemp 'menn ec'h aemp ;

Kollet hor boa an hent, pell doc'h Doue e vevemp.

3 Ne heuliemp, allaz, nameit hor fallantez ;

Kuzhet e oa doc'homp sklaerder ar wirionez.

4 Na pezh un teñvalded hor gronne a bep tu !

Goloet e oa ar bed avel get un noz du.

5 Àr-lerc'h un noz ken hir, pegourz e teuy an deiz ?

Ha pegourz e savo sterenn ar roue nevez ?

6 Digorit, digorit, ô palez kaer hon Doue,

Ha laoskit da ziskenn hor Salver ag an neañv !

### Salud d'ar bobl :

*Ar beleg : Gras hor Salver Jezuz-Krist, karantez Doue an Tad  
hag unaniezh ar Spered Santel, ra vint genoc'h-holl :*

**Respont : Ha get ho spered !**

**Confiteor :** Me anzav dirak Doue holl-gelloudek ha dirazoc'h, ma breudeur,  
am eus pec'het bras dre soñj, dre gomz, dre ober ha dre vank a ober :  
dre ma gwall, dre ma gwall, dre ma brasañ gwall.

Rak-se e c'houlennan get an Intron Vari bepred gwerc'hez, get an Aeled  
ha get an holl Sent, ha genoc'h-c'hwi, ma breudeur, pediñ Doue aveidon.

### Kyrie

### Lennadenn getañ : Lennadenn tennet a levr Izaia

*Roit konfortañs, roit konfortañs d'am fobl, eme ho Toue. Komzit doc'h kalon  
Jeruzalem ha youc'hit dezhi emañ achiv he sklaverezh ha gwalc'het he fec'hed,  
rak he deus bet get an Aotrou div wezh kastiz evit he holl fec'hedoù.*

*Ur vouezh a gri : «Kempennit en dezerzh un hent evit an Aotrou. Plaenait er  
stepenn ur vinotenn evit hon Doue. Ra vo uhelaet pep flagenn, ra vo izelaet pep  
manez ha torgenn, ra zay an tosennoù da vout plaenennoù, hag al lec'hioù  
roc'hellek flagennoù digor. Neuze en em ziskouezo gloar an Aotrou, hag an holl  
dud he gwelo, rak dre genoù an Aotrou emañ bet lâret.»*

*Krap àr ur manez uhel, te, kannad laouen evit Sion, lak da vouezh da sevel  
get nerzh ; te, kannad laouen evit Jeruzalem, lak anezhi da sevel hep aon ; lâr da*

gêrioù Juda : *Setu ho Toue ! Setu an aotrou Doue é tonet leun a nerzh ha get e vrec'h e vo mestr da bep tra. Emañ getañ gopr e viktoar, donet a ra getañ gounid e drec'h. 'Vel ur bugul e tiwallo e dropellad deñved, e serro an oaned get e zivrec'h hag o dougo àr e galon hag a soursio doc'h ar mammoù-danvadezed.*

*Setu komz an Aotrou Doue : **Bennozh da Zoue !***

**Psalm S4** : *Diskouezet deomp, Aotrou, ho trugarez  
ha roit deomp ho salvedigezh.*

*Me a faot din selaou lavarou an Aotrou ;*

*a dra sur emañ komzoù a beoc'h a lâro evit e bobl, evit e dud fidel.*

*Ya, tost eo ar salvedigezh d'ar re a zouj anezhañ,*

*setu ma teua ar gloar da chom àr an douar.*

*Gras ha fealded a ya d'en em gavet an eil get egile,  
reizhder ha peoc'h en em vrec'hata.*

*Ar fealded a ziwano ag an douar,*

*hag ar reizhder a stouio ag an neañ.*

*An Aotrou a skuilho e vennozh,*

*hag an douar a daolo frouezh.*

*En e-raok e kerzho ar reizhder,*

*hag ar peoc'h da heul e basoù.*

**Eil lennadenn** : *Lennadenn tennet a eil lizher an Apostol St Per.*

*Un dra a zo neoazh, ma re garet, hag a zleit anavet : Evit an Aotrou un devezh a zo 'vel mil blezad, ha mil blezad 'vel un devezh. Nann, an Aotrou ne zeren ket kas da wir ar pezh en deus grataet, daousto d'ar pezh a soñj tud 'zo, met pasianted en deus en ho keñver-c'hwi, dre ma faot dezhañ ned ahe den ebet da goll, met ma en em lakahe an holl d'ober pinijenn.*

*Deiz an Aotrou a zay 'vel ul laer ; hag en deiz-se an neñv a yay da goll get trouz bras, an elfennoù entanet a vo teuzet, an douar hag an holl labourioù a zo àrnañ a vo losket ha troet da ludu. Neuze, peogwir e tle d'an holl draoù bout distrujet, na pegen bras e tleae bout santelezh ho puhez hag ho pedennoù, é c'hortoz Deiz Doue hag ec'h ober ma tay buanoc'h an deiz-se m'emañ dle d'an neñv entanet monet da goll ha d'an elfennoù tanflammet teuziñ. Rak, hervez ar pezh en deus grataet, e c'hortozomp un neñv nevez hag un douar nevez, lec'h ma vo ar reizhder é chom. En engortoz ag an traoù-se, ma re garet, poaniit ar gwellañ ma c'helleet da vout kavet getañ dinamm ha divlam, e peoc'h.*

*Setu komz an Aotrou Doue : **Bennozh da Zoue !***

**Allelouia** :

Ar beleg : *An Aotrou Doue genoc'h : **Ha get ho spered.***

Ar beleg : *Lennadenn ag an Aviel santel hervez St Mazhev.*

Ar bobl : **Gloar deoc'h-Chwi, ô Aotrou Krist !**

**Aviel** : *Pennad tennet ag aviel Sant Mark*

*Penn kentañ doare mat Jezuz Krist, Mab Doue. Hervez mad eo skrivet e levr ar profed Izai : «Setu ma kasan va c'hannad en da raok ; eñ a gempenno dit an hent ; ur vouezh é krial en dezerzh : Kempennit hent an Aotrou, plaenait e vinotenoù», 'vel-se en em ziskouezas Yann ar Badezour, en dezerzh, ec'h embann ur vadeziant a benijenn evit pardon ar pec'hedoù. Hag e tae davetañ bro Jude a-bezh hag holl dud Jeruzalem ; ha badezet e vezent getañ e dour ar stêr Jourden en ur anzav o fec'hedoù. Gwisket e oa Yann get dilhad reun kañval ariet get ur gouriz lêr en-dro d'e greiz, ha debriñ a rae karved-lann ha mel gouez. Embann a rae kement-mañ : «Donet a ra àr ma lerc'h an hini a zo kreñvoc'h evidon ; ha ned on ket mat de ziskolmiñ stagelloù e votoù dezhañ. Me am eus ho padezet en dour, eñ avat ho padezo er Spered Santel.»*

En dibenn : ar beleg : *Setu Komz an Aotrou :*

**R/ : Meuleudi deoc'h, ô Aotrou Krist !**

**Kredo** : **Me 'gred e Doue, an Tad hollgelloudek**, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, daet a varv da vev an drivet deiz, pignet d'an neañv, hag azezet en tu dehoù an Tad, a-eno e tay da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez peurbadus. Amen !

**Pedenn hollbedel** :

**Aotrou Doue, ô Tad Santel, selaouit hor pedenn !**

**Lid ar profoù** : *ar beleg : Pedit, mam breudeur, ma plijo get Doue an Tad hollgelloudek degemer ma sakrifis a zo ivez ho hani-c'hwi :*

**R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.**

**Prefas** :

*Ar beleg : An Aotrou Doue genoc'h :*

**R/ : Ha get ho spered !**

*Ar beleg : Hor c'halon d'an uhel :*

**R/ : Emañ troet trema Doue !**

*Ar beleg : Trugarekaomp hon Aotrou Doue :*

**R/ : Just ha santel eo !**

**Santel** : **Santel ! Santel ! Santel ! An Aotrou Doue, Mestr ar bed !**

Lan eo get ho kloar an neañv hag an douar : **Hosanna e lein an ne !**

Ra vo benniget an hani az a e anv an Aotrou Doue : **Hosanna e lein an ne !**

**Gorreoù** : **Ra vo meulet !**

**Hon Tad** : *hag a zo en neañv, hoc'h anv ra vo santelaet,*

*Ho rouantelezh degaset deomp,*

*Ho vennantez ra vo graet àr an douar 'vel an neañv.*

*Roit deomp hiriv hor bara pemdeziek,*

*Pardonit deomp hor pec'hedoù,*